

臺灣閩南語

現代詩學生組第二名



烏暗中 ê 天星

我用 kui 身軀 ê khui-lát 阻擋

烏暗 ê 速度

Mài hōo 烏色 ê 鬼霸占溫暖 ê 日頭

風用雙手輕輕 tuânn 著彼 siú 詩

Un-liâu-á 唱：咱 lóng 是烏暗中 ê 天星

< 我有一个夢 >

我有一个夢

夢見咱 khiā tī 山頂

都市 ê 面浸 tī bōng-bū 當中

無分節氣

切斷時間

所有 ê 聲音佇都市 ê 暗房內底

Tshi-tshi tshū-tshū

Tī 耳空內 tsò-hué 唱彼條

土地 ê 戀歌

我有一个夢

夢見山頂有美麗 ê 光影

花草，kā tshinn-tshioh ê 山嶺攬 tiâu-tiâu

無邊 ê 平洋 uá-khò 堅強 ê kuân 山

大海 kap 海岸互相有咒誓

故鄉，

猶原是唱 buē suah ê 情歌

< 唱 hōo 全世界聽 >

春天 ê 花蕊 phah-khui ê 時陣

Ng 望 ê 目睷金金看

以早 hông teh tī 塗跂下面 hia ê 聲音

親像 hue-m̄ 準備 beh 衝 phuà 隔界

抹 BB 霜、點胭脂水粉 ê 台灣歷史

Kám 講 bē 出現 pit-sûn ?

< Ng 望 ê 燈火 >

門跂口 ê 日頭光

Tī 窗仔邊閃 sih

霜冷 ê 風吹過來 ê 透早

春光 iā 佇街 á 路

Ták 家跂步互相 phah 招呼

和平 ê 花蕊滿山 phiânn，鋪 tī 咱

轉去 ê 路

聲音，已經響起來

< 佇烏暗中 tshing 醒 >

佇烏暗中 tshing 醒

夢中 ê 美麗

猶原清芳

溪水慢慢 á 流過阮 ê 目睷 kinn

閃 sih 佇 tiām 靜 ê 暗暝

Hi-hua ê 都市是走 tsing ê 歌聲

台灣是 siánn 款色水

春天後母面

花，nā 是 hông 拆離枝

袂輸港邊 ê 海風

吼 buē 停

月光暝，天清清

咱是天頂 siōng kng ê 星

Nā 叫著故鄉 ê 名字

天邊 tiòh muá-muá 是

作者感言

母語 ê 保存應當是阮必須 ài 共同承 tsiap 落來 ê 責任，《烏暗中 ê 天星》tiòh-sī 向望咱攞會當佇烏暗當中，成為上 kng 的一 liáp 星。

創作一半是學習向陽老師早期詩 ê 方式來寫（語言部份），另外一半是路寒袖老師 ê 歌詩（音樂性部份），put-jī-kò 上大的「給力」是中山醫老師耐心 ê 指導 kap 精神上 ê 支持。我真幸運這一路頂有濟濟 ê 老師 kap 先輩 ê 鼓勵，予我會當 koh khah 堅定行佇詩這條路。佇遮也真感謝柯柏榮老師、丁鳳珍老師 kap 張德麟老師予我真濟寶貴 ê 意見！感謝！

何金璟

中山醫學大學 臺灣語文學系 3 年級

